

## Komisija za tumačenje odredaba i praćenje primjene Kolektivnog ugovora za državne službenike i namještenike u organima državne službe Kantona Sarajevo

Broj: 03-03-02-20005/21  
Sarajevo, 19.01.2022. godine

Na osnovu člana 104. stav (2) alineja a) Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 14/21), Komisija za tumačenje odredaba i praćenje primjene Kolektivnog ugovora za državne službenike i namještenike u organima državne službe Kantona Sarajevo u sastavu Onahti Čerkez – predsjednik, Elvis Zornić - zamjenik predsjednika, Azra Koldžo – član i Jasmina Lukovac - član, povodom zahtjeva Ministarstva unutrašnjih poslova Kantona Sarajevo, broj: 01-7-04-847-3/21 od 27.04.2021. godine i urgencije po zahtjevu, broj: 01-7-04-847-6/21 od 03.06.2021 godine kojim se traži tumačenje odredbi čl. 35, čl. 45., čl. 59. stav (1) tačka d), čl. 110 stav (1) i (3) u vezi sa čl. 103. Kolektivnog ugovora za državne službenike i namještenike u organima državne službe Kantona Sarajevo (u daljnjem tekstu: Kolektivni ugovor), na vanrednoj sjednici održanoj dana 30.12.2021. godine donosi

### ODLUKU

#### I

Utvrđuje se tumačenje odredbe člana 35. Kolektivnog ugovora, kako slijedi:

"Pravo na sigurne i zdrave uvjete rada uživaju i državni službenici i namještenici, jer se Kolektivni ugovor odnosi na državne službenike i namještenike u organima državne službe Kantona Sarajevo."

#### II

Utvrđuje se tumačenje odredbe člana 45. u vezi sa članom 59. Kolektivnog ugovora kako slijedi:

"Članom 45. Kolektivnog ugovora propisani su poslovi s povećanim rizikom, a u članu 59. stav (1) tačke a), b) i c) jasno propisuju dio plaće po osnovu poslova sa povećanim rizikom, dok tačka d) taksativno nabroja uvećavanje plaće po osnovu poslova sa otežanim/posebnim uslovima rada iz člana 47. Kolektivnog ugovora. Stavom (3) člana 59. propisano je da uvećanje osnovne plaće po osnovu posebnih uslova rada i prirode posla iz stava (1) ovog člana utvrđuje se u pravilniku o plaćama i naknadama organa državne službe, u skladu sa kriterijima utvrđenim kolektivnim ugovorom, zakonom i drugim propisima."

#### III

Utvrđuje se tumačenje odredbe člana 59. stav (1) tačka d) Kolektivnog ugovora, kako slijedi: "Uvećanje osnovne plaće po osnovu posebne prirode posla iz tačke d) je moguće samo po jednoj od stavki iz navedene tačke. Dakle, stavke pod tačkom d) ne mogu se zbrajati."

#### IV

Utvrđuje se tumačenje odredbe člana 110. stav (1) i (3) u vezi sa članom 103. Kolektivnog ugovora, kako slijedi:


“Obaveza rukovodioca organa državne službe iz stava (1) člana 110. je važeća, sa izuzećem člana 59. stav (1) tačka d), koja se neće primjenjivati u 2021. godini, zbog nedostajućih sredstava u Budžetu Kantona Sarajevo za 2021. godinu, uslijed pandemije izazvane korona virusom.”


V


Ova odluka će se dostaviti podnosiocu zahtjeva i Sindikatu putem Ministarstva pravde i uprave Kantona Sarajevo.


VI

U skladu sa odredbom člana 104. stav (8) Kolektivnog ugovora, ova odluka ima pravnu snagu i učinak Kolektivnog ugovora.

  
Elvis Zornić

  
Onahti Čerkez

  
Azra Koldžo

  
Jasmina Lukovac